

AKASHVANI AIZAWL  
REGIONAL NEWS UNIT  
REGIONAL NEWS BULLETIN

Tuesday, March 24, 2026 Time - 2:30pm - 2:35pm

WORLD TB DAY

Vawiin hi Ngawr Hri umbo tura beihpui thlakna ni, World TB Day a ni a, he ni pual hian Health Minister Pi Lalrinpuii chuan TB natna um bo turin mi zawng zawng a sawm a ni.

Vawiin khan MINECO a Taxation Auditorium ah World TB Day pual hian hun hman a ni a, NHM Mizoram Director Dr R. Lalchhuanawma chuan he hun hi a hmanpui a ni.

Dr R Lalchhuanawma chuan TB natna umbo kawngah Mizoram dinhmun chu a tha hle a ti a, sorkar laipui ina TB um bo na tura a hmlakna TB mukt bharat abhiyan hnuaiyah khaw tina TB vei awlsam bik tura an ngaih te hming chhinchhiah chhuah vek niin a thlawnin screening neih thin a ni a ti a, mihring awmkhawm tamna thin jail leh home ah te pawh endikna neih thin a ni bawka ti.

Ram pumpui chu TB awmlohna a siam tura tih a nih angin thingtlang khua ah te bul tan a ni a, in elna thianghlim siam thin a ni a, tun dinhmun ah hian TB free village – TB awmlohna khua puan theih hi khaw 150 lai awmin heng zingah hian khaw 74 te chu kum khat atana TB free village ni thei an ni a, khaw 58 te kum hnih chhunga a zawna TB free village an ni a, khaw 18 te chu kumthum chhung tb free village an lo ni tawh a, Aizawl district chhungah bik chuan TB free village ni thei hi khaw 19 an ni a.

TB free village hmalakna kawngah hian VC te hian mawhphurhna pawimawh tak an nei tih sawiin TB dona atan plan tha tak neiin nasa tak mipui te tanpuina kawngah hma an la thin a ni a ti bawka .



SERCHHIP TB

Serchhip DC Pisapui Hall-ah ‘Yes! We can end TB! tih thupui a hmangin ‘World TB Day’ hman a ni a, Serchhip Sr.CMO Dr .L.P Malsawman kaihruiin, Serchhip Bawrsap Pu Paul L.Khuma chuan he hun hi a hmanpui a ni.

District TB Officer Dr.Lallawmkimi Chhakchhuak chuan Serchhip District a TB dinhmun leh District chhung khaw 23 TB Free Village a hmalakna kalpui dan tlangpui sawiin, tun dinhmunah Serchhip District chhung khaw 12 ah TB vei mek mi 41 an awm a, TB dona kawng a hma la tha leh TB vei awm loh na khua khawtlang hruaitute te chawimawina Medal hlan annih bakah, Nikshay Mitra (Nutritional Support) Donor te hnenah chawimawina thuziak hlan an ni bawka.

TB vei te ei tur pekna tur pawisa thawh zingah hian mi 13 tana thawhtu zingah bialtu MLA, CM Pu Lalduhoma pawh a tel a ni.

(Hlua Serchhip PTC)



## LAWNGTLAI TB

Tukin khan Mizoram State TB Control Society ruahmana angin Lawngtlai Areopagy ah World TB day hmanna leh 100 Days Campaign hawna neih a ni a, Bawrsap Pu Donny Lalruatsangan telpuiin, LADC CEM Pu C Lalsawmzualan he hun hi a hmanpui.

Pu C. Lalsawmzuala chuan kalkhawmte chibai bukin TB chu hriselna kawng a harsatna lian tak thlentu pakhat a ni a, he ni pawimawh tak ah hian TB umbo kawngah rahbi thar a thlen a beisei tih a sawi a. TB umbo turin LADC pawhin theihtawp a chhuah reng tih tarlangin district administration nen pheikhairual taka ke pen reng a nih thu a sawi a ni. Lawngtlai district chhung atanga TB umbo turin health department kutah engkim dah vek theih a ni lo tiin, VC, NGO leh Kohhrante nen thawhona tha tak a awm a tul a ni, a ti.

TB Senior Treatment Supervisor Pu James Zarzoliana tarlan danin, nikuma 100 DAYS campaign kalpui anih hnu in Lawngtlai District ah TB vei -15 hmuh chhuah belh a ni a, Ei leh in that loh avanga TB vei a tam ber an ni a ti. 100 Days Campaign- Second phase kalpui a ni leh dawn a, Village zawng zawngah screening neih vek tur a ni a. TB Centre ah hian entik lai pawh in a test thei a ni. Kum 2023-ah TB vei mi 108 awmin, 108 in damna an chang a, Kum 2024-ah TB vei mi-119 awmin mi- 2 in nunna an chan a, mi- 117 in damna an chang a, Kum 2025-ah TB vei mi-162 awmin, mi- 1 in nunna a chan a, mi- 95 damna an chang a, mi-67 enkawl lai an awm a, Kum 2026-ah mi-26 damna chang an awm a ni.

Vawiin World TB Day hmanna ah hian Khuallian chuan '100 Days Campaign' a hawng a, TB umbo leh enkawlna kawnga thawh hlawkte 'Certificate of Recognition'. hlanna neih niin, Pi Lalrohliri, Thingkah- TB vei damna chang in thutawi a sawi a ni.

